

Cunghsanh Doidoengh Guhsaed “Aen Suenq-veh Bouxcoz Nyezrauh Gak Cuz Doxgyau”

钟山推动“各族青少年交流计划”落地见效

Bineix doxdaeuj, Cunghsanh Yen nyinhcaen gvancez “aen suenqveh bouxcoz nyezrauh gak cuz doxgyau”. Lumjbaenz hai dangzgoq foux、yozgi minzcuz, haiguh cawjdaez banhvei son’ gyaug、diuq cauh gyong raez daengj, dazyinx gak cuz bouxcoz nyezrauh haeuj ndei “aen lwggaet daih’ it” cukmaenh gij eiqsik caezcaemh Cunghvaz Minzcuz. Aen yienh neix caiq hwnqguh bingzdaiz “bouxlaux daiq bouxmoq”, cauhsaeb aen diemj guhyiengh son’ gyaug minzcuz doxgiet baenaj laeng cizyez gisuz yozyau, laebbaenz dieggiek gohgi cauhsaeb bouxcoz nyezrauh daengj. Cunghsanh Yen laebdaeb coicaenh gak cuz bouxcoz nyezrauh doxrox doxgingq、doxbang doxhag, doidoengh gak cuz bouxcoz nyezrauh baedauq、doxgyau、doxyungz.

(Cunghsanh Yenveij Dungjancanbu/钟山县委统战部)

►Cunghsanh Yen hai dangzgoq miz daegsaek dieg de.



▲Bouxcejbo ndeu youq ndaw reihmak cigboq.

Lozcwngz Cigboq Gai Huq Coengh Demsou

罗城直播带货助增收

“Gak boux beixnuengx, daihya ndei, seizneix dou youq dieggiek lwggaengndoq Gvangjsih Lozcwngz guh cigboq.” 8 nyied 14 hauh, Lozcwngz aen doih cungcang densangh cigboq daengz aen dieggiek lwggaengndoq guh gwnzmuengx cigboq, bang gai mak okbae. Bineix doxdaeuj, yienh de aeu “nungzcanjbinj + densangh + vaiqsoengq”, bang bouxndaemmak siu mak. Daengz loeg nyied, Lozcwngz youq gwnzmuengx gai doxgaiq gaengq canh ndaej 3612 fanh maenz.

(Veiz Yuzdai/韦如代)

Ginhsiu: Denyingj Goeng’ik Haeuj Lajmbanj

金秀：公益电影进农村

Mboengqneix, aen yizsiz Laizbinh bi 2022 fanh ciengz denyingj goeng-ik “haj haeuj” hozdung Ginhsiu fwnhveicangz youq Cangzdung Yangh Mbanjugan haiguh. Baez hozdung neix hawj vunzlai gihcwngz rimhoz, aeu sing、veh gujli gyoengq dangjyenz ganbu、vunzlai buekguh baenaj, youq seizdaih moq laeb goenglauz.

(Gauh Yuzginh/高如金)



▲Vunzlai cingq yawj denyingj.

Gojgaeq Iq Gvangjsih Minzcuz Doxgiet Baenaj

广西民族团结进步小故事

Gak Cuz Lwgminz Doxgiet Caezhoz Guh Aendaeuz Guekgya “Baiz Liujcouh”

各族人民团结一心 铸就“柳州牌”国之重器

Bi 1958, vih bangcoengh hong-goeng Guengjsae hwnghat, Cungh-yangh dingh dai dieggiek honggoeng laux laeng henzhaij caeuq baihsaeb laebdaeb senj buek giyez gungh-gvang daengz Liujcouh.

Liujcouh Ganghdezcangj、Liujcouh Dungaliz Gihgai Cangj、Liujcouh Lenzhoz Gihgai Cangj、Liujcouh Vagunghcangj、Liujcouh Suijniz-

cangj、Liujcouh Yezdencan、Liujbwz Suijcangj、Liujcouh Daihngaih Vagungh Cangj caeuq Liujgyangh Caucijcangj daengj cib aen hanghmoeg youqgaenj gonqlaeng haiguh. Gak cuz boux gunghcwngz gisuz caeuq bouxguenjieix caeuq vunzndawranz buek dem buek daij Sanghaij、Dunghbwz daengj dieg bae daengz Liujcouh, an’ gya henz-

guek, fouzsei okrengz hwnghat Guengjsae. Ngaenz、doxgaiq、vunz daengj cungj gig noix, hoeng, gyoengqde cungj haebheuj guh, caezhoz comz rengz hwnqguh henzguek. Miz daengx guek lwgminz bangcoengh, Liujcouh laebdaeb cauhsaeb ok daih’ it aen gih coqhwnj yendaiva aeu bae vat doem caeuq rin youh miz roux、aen gih

coqhwnj cang ndaej ceiq naek ceiq lai、aen gih haivat miz ngeihcib dun gaep daengx seiqgyaiq daih’ it youh caenh yungh den daengj aendaeuz guekgya. Liujcouh caemh menhmenh bienqbaenz aen hawsingz honggoeng daih’ it Guengjsae、daihsam daengx guek.

(Gvangjsih Minzcuz Yenzgiu Cunghsinh hawj gauj)